

2
Von Heylung der Zaubere-
rischen Schäden.

DE W Edlen vnd Kunstreichen
Ulrich Becken von Wien/ wunsche
Ich von Gott dem Allmächtigen alles
guts zuvor: Erbarer vnd Kunstreicher Meister
Ulrich/ lieber getreuer Freund/ Die weil du
mich angesprochen/ vnd angelangt hast/ dir ein
vnderricht anzugeigen/ vnd zuthun/ von wegen
der Zaubereischen Kranckheiten/ Schäden vnd
Gebresten/ wie die erkant/ geheylt vnd gewende
mögen werden / welches nicht geschehen mag/
ohn erkantnuß einer jeden Zauberey/ in gemein
ein besonder Eur vnd Proceß inhalt. Du solt
auch wissen daß nicht allein die Menschen/ son-
der auch die vnernüfftigen Thier vnd Viehe/
durch die Zauberey vergiffet vnd getödtet kön-
nen werden.

Nun aber das Weib so vnder deinen Hän-
den gar Schwach vnd Kranck ist/ vnd wie du
mir anzeigen/ gar zusammen gewachsen ist/ be-
langet/ so thu ich dir zu wissen/ das solches ein
laurtere Zauberey/ durch das geblüt geschehen
ist/ wie du hernach in meiner Practick hören
wirfst/ desgleichen finde man vnder den Zau-
ereischen Schäden/ da dem Menschen nichts an-
gesehen/

gesehen/ ligt gar Krafftloß/ Ziser vnd trincket
wol/ hat aber nicht macht/ das es sich im Bere
vmbwenden köndte/ darneben leiden sie grossen
schmerzen vnd Angst/ dardurch sie also zu kei-
ner Ruh mögen kommen/welches auch ein son-
dere Cur haben muß. Man findet auch/ das
die Kinder bezaubert werden/ das sie nicht ge-
denen können/ gar verdrorzen/ sich abheulen vnd
schreien die ganze Nacht.

Item man findt das die Männer vnd We-
ber in der Ehe verzaubert werden/ das sie nit al-
lein mit einander Zancken vnd Rauffen müs-
sen/ sondern auch die Ehelichen Werck nicht
thun noch pflegen können. Item es geschicht
auch das etlich durch geschosß in Händen an
Fingern vnd andern Gliedern geschossen wer-
den/ welches so arg als das Feur in der Höllen
brinnen mag.

Item es wirdt offte gethan/ das die Menschen
gar von Sinnen kommen/ tag vnd nacht gar
kein Ruh haben / wallen jämmerlich/ lauffen
sich vmbzubringen vnd allerley böses fürzu-
nehmen/ dafür sein eigene Cur.

Item: Es begibt sich durch böse Imagina-
tion vnd einbildung/ durch ein wächsen Bild/
das sie in desselbigen Namen/ den sie zu beschä-
gen begehren / machen / dasselb auff ein Holz
stellen/

stellen/ vnnnd bey dem Feuer herumß wendern
 vnd Braten/ biß es gar hinweg schmelzet/ die-
 se Leut doreen hinweg/ vnd man vermeint das
 sie die Schwindsucht haben. Mehr pflegen die
 Zauberischen Säckle/ das Viehe in den Stalle
 zu vergiffen/ das sie nicht allein/ deß nutz der
 Milch beraubt/ sonder auch misler weil gang
 vnnnd gar absterben. Solche vnd dergleichen
 Zaubereyen wöllest warnemmen/ vnnnd dieses
 meine Tractätlein lesen/ vnd die Kräuter vnd
 stuch so darzu gehören/ in zeit einsamelen vnd
 Colligieren/ damit kanstu Gott vnd deinem
 Neben Menschen dienen/ vnd wirdt dir auch
 kein Zauberey schaden/ vnd etwas thun können/
 damit will ich dich in den Schutz vnd Schirm
 deß Ewigen Gottes befohlen haben/ Datum
 Preshaw den 16. Januarij Anno 1551.

D. Bartholomæus Carrichter.



Diese